

3-D19-Sy الله يخليهن

- a - باسم الله، ليش كم ولد عندك يا أم مازن؟
b - والله عندي بنتين وصبي. وإنتي؟
a - الله يخليهن. أنا متجوّزة جديد وما عندي أولاد.
b - مبروك. إنشالله بتشوفي أولادك عن قريب.
a - الله يبارك فيكي.
[...]
b - وجوزك شو بيشغل؟
a - جوزي موظف بنك. وبالحقيقة هو قريبي.
b - ابن عمك؟
a - لاء، ابن خالتي.
b - ألف مبروك.
a - شو بيعملو أولادك باسم الله؟
b - بنتي الكبيرة اسمها ليلة. وهي دكتورة متخصصة بمرّض السُّكّري.
وجوزها بيشغل ضابط بالجيش.
a - ما شاء الله! ووين ساكنين؟

- b - ساكنين بحلب.
- a - وانشلله عندهن أولاد؟
- b - من وين يا أُختي؟ هي دائماً مشغولة وجوزها مشغول. وما بعرف كيف بدهن يعملو عايلة.
- a - وبتك الثانية؟
- b - بنتي الثانية اسمها أمل. أستاذة بكلية العلوم.
- a - ما شاء الله! شو بتدرّس؟
- b - بتدرّس فيزيا. وكمان عم تُدرّس منشان الدكتور.
- a - والصبي؟ شو بيعمل؟
- b - آه يا أُختي! هالصغير مُشكلة. ما ييحب المدرسة. وما بيعرف شو بدّه يعمل.
- a - شو عمره باسم الله؟
- b - ١٧ سنة.
- a - ايه. معلّش. بكرا بيكبر.
- b - انشالله!